

محمد رجب

د. أماني إبراهيم

ورقة شجر

مساجلة شعرية



صدرت الطبعة الأولى في أكتوبر ٢٠١٩



(مساجلة شعرية)

ورقة شجر

بطاقة الكتاب

ورقة شجر	عنوان المؤلف
محمد رجب د. أماني إبراهيم	مساجلة للشاعرين
مساجلة شعرية	التصنيف
١٦٩٦٧ - ٢٠١٩	رقم الإيداع
٩٧٨-٩٧٧-٦٧٢٦-٧٤-١	الترقيم الدولي
٤٩٣ الطبعة الاولى سبتمبر ٢٠١٩	رقم الإصدار الداخلي
٩٠ صفحة	عدد الصفحات
مؤسسة النيل والفرات	تصميم الغلاف

جميع حقوق الطبع والنشر محفوظة للمؤلف، ولا يحق لأي دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 - فاكس: 020554372901

الناشر والنيل والفرات nagyegy200064@gmail.com

الناشر والنيل والفرات alnilwaalfourat@gmail.com

المقر الرئيسي: ج.م.م. محافظة الشرقية - العاشر من رمضان - مجاورة 13 - أمام سنتر الـ 13 - عقار 304



(مساجلة شعرية)

ورقة شجر

إهداء

إلى أُمي
التي علمتني حب الناس
إلى أسرتي
إلى أبي... إلى التي سقنتني الحب حياة حتى آخر أنفاسها
إلى من وهبتني الحب بلا مقابل
أهدي حروفي هذه

محمد رجب



إهداء

إلى من علموني حب الحروف والحياة
إلى حبي الابدى ..ابى وامى
إلى كل قلب يعشق الحياة بكل ما فيها

أهدى كلماتى

د. أمانى إبراهيم



(ورقة شجر) فى مهب الريح

رؤية نقدية بقلم
ناجى عبد المنعم *

يكتب الشاعرُ نفسه ، وقد يتجاوز حدود الذات إلى آفاق الوطن
ليكون النص ثنائى الرؤية ، ولكن الأمر يختلف تماما فى (
المساجلات الشعرية - المجاراه - النقائض) فشرط أساسى
للمُسَاجل أن يتخطى حدود الذات ، ليصبح مرآة عاكسة لعصره ،
فيُعرف العصرَ بشعره ، ويكون وثيقة تاريخية تؤرخ لهذه الحقبة
الزمنية التى عاشها الشاعر المُسَاجل ،

ولا أغالى إذا قلت بأن المُساجِلَ لابد أن يكون أعلى ثقافة وإدراكا من معاصريه الشعراء ، فالأمر جد خطير ولا يتوقف عند مجرد قصيدة والرد عليها حتى وإن التزمت قواعد الكتابة (من وحدة الموضوع - القافية - الموسيقى ...)

تعريف :

هى مساجلة شعرية بين شاعرين - أو أكثر - متعارضين يقول أحدهما فيرد الآخر من نفس القافية والبحر ووحدة الموضوع

والمساجلة لغة :

ورد تعريف و معنى مساجلة في قاموس المعجم الوسيط ، لسان العرب ، القاموس المحيط . مُسَاجَلَةٌ جمع : سَاجِلٌ . [س ج ل] . (مصدر سَاجَلَ) مُسَاجَلَةٌ كَلَامِيَّةٌ مُبَارَاةٌ .

أوزانها :

يستطيع الشاعر أن يزن مساجلته على أى بحر شاء ، بيد أنه قد شاعت هذه الأوزان لسهولة تسهيلها ويُسرّها على المُسَاجِلِ



الطويل فعولن مفاعيلن - طويلٌ له دون البحور فضائلٌ فعولن
مفاعيلن فعولن مفاعلن
المديد فاعلاتن فاعلن - لمديد الشعر عندي صفاتٌ فاعلاتن
فاعلن فاعلاتن
البسيط مستفعلن فاعلن - إن البسيط لديه يبسط الأملُ مستفعلن
فاعلن مستفعلن فعلن
الوافر مفاعلتن - بحور الشعر وافرها جميلمفاعلتن مفاعلتن
فعولن
الكامل متفاعلن - كمل الجمال من البحور الكاملمتفاعلن متفاعلن
متفاعلن

وقد بدأ هذا الفن عربيا خالصا ، ولم يُفَلِّته شاعر واحد على
مرّ العصور ، وأقيمت له الأسواق ، ورُصدت له الجوائز ، وتبارى
فيه الفحول ، ولعل أبرز هذه المساجلات في العصر الجاهلي تلك
التي كانت بين امرئ القيس الكندي وعلقمة الفحل في وصف
فرسيهما - ومن نواذر المساجلة ذاتها أن تفوقت زوجة امرؤ
القيس على زوجها فكان طلاقها منه هو العقاب .



وقد بلغ هذا الفن ذروته فى العصر الأموى فى عهد الخليفة
عبد الملك بن مروان والذى جمع لديه ذات يوم أشهر شعراء
العصر (الأخطل - جرير - الفرزدق) ورصد الخليفة كيسا به
خمسمائة دينار للشاعر الذى يستطيع أن يصف نفسه ببیت لم يقله
غيره ، ولا يستطيع أن يرد عليه غيره ، فاجتمع الشعراء الثلاثة
فى حضرة الخليفة
وبدأ الفرزدق قائلا :

أنا القطران والشعراء جربى وفى القطران للجربى شفاء
فرد الأخطل :
فإن تك زق زاملة فإنى أنا الطاعون ليس له دواء
فختم جرير قائلا :

أنا الموت الذى أتى عليكم فليس لهارب منى نجاء
فضحك الخليفة من جرير الذى أتى بالموت الذى لا يقف أمامه أحد
وأعلن فوزه بالخمسمائة دينار ، والأمر لم يتوقف عند مجرد
مجاراه بين الشعراء فى حضرة الخليفة ولكنه أصبح أمرا كبيرا
ميّز العصر الأموى عن غيره من العصور ، لقيمة الشعر والشعراء
وهذا الفن التليد الذى صور مجريات الأمور فى هذا العصر بكل
دقة



وفى العصر الحديث اشتهر أمير الشعراء أحمد شوقى
بمجاراته مع شاعر النيل حافظ إبراهيم
فقد قال حافظ :

يقولون إن الشوق نار ولوعة فما بال شوقى أصبح اليوم باردا
فرد عليه شوقى :
وأودعت إنسانا وكلبا وديعة فضيعها الإنسان والكلب حافظ

ولأن هذا الفن - كما أسلفنا - ليس سهلا ويشترط فى قائله الرؤية
والثقافة وبساطة التعبير وربما - خفة الدم - أيضا ، فانصرف عنه
الكثير من الشعراء ، ولاذوا بأفاق النص الشعرى المجرد ، وكاد
أن يندثر هذا الفن لولا أن نهض به كبار الشعراء فى العصر
الحديث - من شعراء الثمانينيات تحديدا أمثال (السيد زكريا -
رضا أبو الغيط - سميرة محمودى - محمد رجب - د. أمانى
إبراهيم - وكاتب هذه السطور ...) وأقاموا له الأمسيات والندوات
والمسابقات والجوائز وأصبح له جمهورا كبيرا ينتظر مبادرات
الشعراء فى مضامير الثقافة ، ولعل الأسلوب الساخر الذى شق
طريقه لعرض المساجلات ،

والتصدى لمشكلات المجتمع بكل تفاصيلها لاسيما (الحرب
المفتعلة بين الرجل والمرأة بكل صورها) من أسباب نجاح
المساجلات وعودتها بقوة لتصدر المشهد الإبداعي ومنافستها
للقصيدة الأحادية ، الأمر الذى دفع الشاعران محمد رجب ود.
أمانى إبراهيم لإصدار كتاب جديد ليكون بمثابة شهادة الميلاد لهذا
الفن الأصيل



(ورقة شجر) نموذجاً

الشاعر محمد رجب

محمد رجب شاعر دمث الأخلاق ، محب لغيره ، يرى الدنيا من زاوية خاصة جداً ، وقد أثر هذا على شعره ، وانعكس عليه تماماً ، فلا تقرأ له ألفاظاً نابية ، ولا تعصيها لقصيدة الرفض الآبقة ، ولكنه يطرح رؤاه بهدوء شديد ، لا يخرج عن إطار الإنتماء للوطن - أيا كانت وطأة النظام وقسوته ، وأثر هذا على مساجلاته الشعرية فأكسبها شكلاً جديداً هادئاً بعيداً عن حدة المباشرة والمجراه

الشاعرة د. أماني إبراهيم

وكذلك د. أماني إبراهيم شاعرة هادئة ، عاشقة للوطن ، لها سمت خاص جداً في التعامل مع مفردات الحياة ، فلا تميل إلى العنف والحدة في معالجة الأمور ، وانعكس هذا على أشعارها ، فبدت وكأنها عاشقة للوطن ، حاملة باليوتوبيا ، فاتفقت أيديولوجيا مع الشاعر محمد رجب فأخرجنا لنا مساجلة هادئة بعيدة عن حدة الصراع ، ولا أغالى إذا قلت أنه تأسيس لشكل جديد للمساجلات وفن المجراه

وتأخذ المساجلة بين الشاعرين منازلها تدريجيا في موضوعات شتى ، وقد يبدو للمتابع رومانسية الحوار ، و نرجسية الرد لدى المُساجِلين ، إلا أنهما قد غلغا مجاراتهما بدغدغة المشاعر ورومانسية المفردات ، فى الوقت الذى طرحا فيه أطروحات شائكة تتصل بالفلسفة والمنطق وعلم الاجتماع ، وتلاعبا بالألفاظ ، حتى أنك تستشعر أنها نصا شعريا واحدا لشاعر واحد يقسم إلقاءه إثنان لامتزاج الفكر والأداء والمخزون الثقافى لدى الإثنين

فيقول الشاعر محمد رجب : (يا صاحب الدقات / قلبى عشق
 قلبك / ماعرفش ليه بالذات / خدنى على دربك / لَمَّا العيون تشتاق
 / شاورت على حبك / أدوب أنا وارتاح / لَمَّا الهوا مال بك)
وترد د. أماني إبراهيم : (يا صاحب الدقات / روحى بتندهلك
 / زرعتك بستان / وَرَدَه بيشبهلك / وبكل ألوانى / لونتك عمرك
 / ورجعتك تانى / أعزف على لحنك / أرض المحبة أنا / حبيبى أنا
 وطنك)

فقد استهلا النص بنفس الإستهلال ، ونفس البناء ، ونفس الموسيقى ، وقد حافظا أيضا على وحدة الموضوع ، والمسار التصاعدي للفكرة ، ولم تخل المساجلة من الدعابة وروح الفكاهة فى النص والرد عليه ، وهذه من أساسيات بناء المساجلات الشعرية التى حافظا عليها ولم يهملها
ونخلص فى النهاية أننا أمام شاعرين كبيرين قدما للمكتبة العربية كتابا قيما جديرا بالقراءة

* ناجى عبد المنعم
شاعر وناقد

محمد رجب

البداية تيجى نظرة فإبتسامة

قول على قلبى السلامة

تلقى روحه هي روحك

تلقى حُبه احتل قلبك

تلقى صورته نن عينك

إسمه مرسوم فوق جبينك

يبقى في حياتك علامه



د. أماني إبراهيم

البداية ضحكة بعيونه تشاغلنى
بسمة راسمة عَ الشفايف
ألف كلمة بتغازلنى
دق قلبى لَمَّا صوته
غنى لِيَا بيحايلى
حط إيدَه فِ حضن إيدى
ببماطنى

أحلم والحلم معاك يكبر
يبقى حقيقه
ولإن القلب برئ أبيض
كانت أحلامه الورديه
صافيه بريئه
بيطير في سماه الورديه
بحنيه .. بس جريئه
يترجى الحلم اللى ف حلمه
يرحم حبه يخف الضيقه
تتبسم ضلمة لياليا
حتى الأشواق الورديه
تهدى شويه تلقى طريقه
وحبيبي مهما يغيب عنى
قريب منى
بس أمالى يلقاها على
شط غرامى نايمة غريقه

د. أمانى إبراهيم

خُذْ إِيْدِي فِي إِيْدِيْكَ
وَالْحَلْمُ يَضْمُنَا
وَاحْضُنْ بَعْيُونِي عَنِيْكَ
وَنَغْرُقْ فِي حُبِنَا
دَا قَلْبِي عَايِشْ بِبَيْتِكَ
وَالْفَرْحَ دَا عَشَقْتُنَا
وَلَوْ عَنِي رُوحِي لِيْكَ
وَلِحِظَةٍ تَضْمُنَا
وَمَنْ عَمْرِي بَاهَا دِيْكَ
أَيَّامُ تَكُونُ لَنَا

وأنا هيمانه فيك
والدنيا على أدنا
دَ انا بحلم إني ليك
ماتبعدش يا حلمنا

رجعلى الفرح من تانى
ولا هاحزن ولا هاعانى
دا. لمسة ايده داوتنى
وداوت كل احزانى
اشوف الضحكة فى عيونه
اقول ياقلبنى آه يانى
يدوبنى الفراق م الشوق
وضمة قلبه وحشانى
ولو نامت عيون قلبى
الاقيه فى المنام جانى

ولو انساہ واتوہ عنہ
حبیب عمری ماینسانی



د. أمانی إبراهيم

غربه حنين ايام وسنين
وحيده طريده ف عالم لعين
ادور عليك بجرح ثخين
رتوش وشوش ضحك مهين
بسمه ودمعه حزن هجين
عيون مرايه لقلب سجين
صراخ دفين بصوت رنين
تبرق ترعد مطرها حزين
تروى ارضى تنبت انين
جراح هموم شجن وحنين

ومش هانسى اللى كان بينا
ولا قلبى هينساكى
يعدى العمر وسنينه
ويفضل قلبى يهواكى
ويتمنى الزمن يرجع
وتلقينى والقاكى
والاقي روحى تشتاقلك
وعمرى فرحه وياكى
ولما ابعداكون عايش
فى همسك ويا ذكراك

فى ورد عبيره من عطرك
ربيع عمره محياك

د أمانى إبراهيم

حبيبى لو هتسانى
وتجرحنى فى وجدانى
تضيعنى ونتفارق
ومش هرجع هنا تانى
وتبكيلى وتشكيلى
باوهامك واحزانى
حبيبى دمعك غالية
على قلبى وو جعانى

ونتعاب ونتصالح
واعزفك بالحنى

يا صاحب الدقات
قلبي عشيق قلبك
ما عرفش ليه بالذات
خدني على دربك
لما العيون تشتاق
شاورت على حبك
أدوب أنا وارتاح
لما الهوا مال بك

د. أمانى إبراهيم

يا صاحب الدقات
روحي بتندهلك
زرعتك بستان
ورَّده بيشبهلك
وبكل ألوانى
لونتلك عمرك
ورجعتك تانى
أعزف على لحنك
أرض المحبة أنا
حبيبى أنا وطنك

حبيبتي حوريه من الجنه
باعيش وياها واتمنى
تكون في العلم مش أحلام
تواسيني وأواسيها
وأرسم فرحه في عينيها
وألاقي في اللقا جنه
ونبض القلب يلاغيا
ولما عينيها تحضني
تروح روحى تبوح ليها

حبیبتی زهره من الجنه
تدوب فیّ وأدوب فیها



د. أماني إبراهيم

حبيبي إنت

قلبي.. وأرضي بركن في قلبك
نفسى.. وأرضي بلمحه في نفسك
فكرى.. وأرضي بلحظه في فكرك
عمرى.. وأرضي بيوم من عمرك
وطنى.. وأرضي بشبر في أرضك
حلمى.. وأرضي بطيف من حلمك
حبيبي.. قلبي وهبته لقرحك

محمد رجب

تلميذ في محرابك
واقف على بابك
القلب سلمته
عاشق على اعتابك
سهم الهوى صابني
ياريت يكون صابك
والحب دويني
يا قلبي إيه نابك
جانبني الهوى وجابك
سهران وشوقي سيل
مشغول بأحبائك
والليل بقى صاحبك
بيحس بغيابك

بقوا النجوم عاشقين
يا مكثر أحبابك

د. أمانى إبراهيم

راهبه في محرابك
واقفه بأعتابك
دق الهوى قلبي
دقيت على بابك
ودعيت أنا ربي
أكونك أحبابك
أسكن عيون قلبك
تحميني بأهدابك
وأغرق في بحر هواك
وأكونك أصحابك
كاس الهوى فاض بي
تؤهني في غيابك

طال إنتظار روى
إفتحلى أبوابك

أجمل عيون عينيك
نَدَّهت على قلبي
قلبي بقي ملكك
رسم الهوى دربي
دربي بقي صورتك
صورتك قمر ليلى
ليلى بقي أنسك
أنسك عشيق سُهدى
سُهدى بقي مكتوب
مكتوب على عمرى
عمرى بقي إسمك
إسمك نغم قلبي
قلبي صبح عاشقك

د. أمانی إبراهيم

اجمل عيون عينيك
ندهت على قلبي
قلبي دا نبضه اليك
وانت دوا روحي
روحي ضياها بيك
كان اللقا أملی
أملی بلمس أيديك
ازرع ورود دربی
دربی دا شمسه عينيك

تشرق على عمرى



ولمّا عيوني نظرتك
لقيتك حلم في خيالي
لقيت الكون بقى ملكي
لقيتك كل آمالي
وأشواقى بتندهلك
وصورتك فرحة على بالي
ومن غيرها أنا ميت
حياتى وروحي ندهالى

د. أماني إبراهيم

قريت العشق بعيونك
وفرحة قلبي ندهاني
وهمسك لما بيخونك
ألقى النفس بتعاني
ودمعك راسم الكلمة
وآه من كلمة وجعاني
حروفها تنقش الدمعة
على قلبي وكسراني
وموج البحر دأ قلبك
بيعلی وينخفض تاني
بروحى أرسم البسمة

وتبقى الضحكة لازماني
ويبقى قلبي ذا قبله
ويمحي زماننا حرماني



أجمل هدية النظرة ليكى
تكونى جنبى ومشتاق إليكى
ولمّا أبعد ألقانى أقرب
ولمّا أشوفه النظرة تهرب
خطفتى قلبى والروح معاكى
مَإنتى حبيبتى وإنتى ملاكى



د. أمانى إبراهيم

أجمل نظرة هي لك
تاه شطى والمرسى عينك
تسكن عيني وبقلى أهديك
أسكن قلبك ونبضى أحبك
أسمع همسك وأحن لك
إنت الحبيب وروحي فيك

ويفضل قلبي متشوق
لحضن القلب جواكى
وأدوب وأعشق جمال قلبك
وغصب عنى بهواكى
يتوه منى شراع قلبي
وأغرق جوه دنياكى
ومش عارف هتاخدينى
ولاهاوصل لمرساكى
أخاف على قلبي من حبك
وقلبي وروحي وياكى

وأخاف م-العشق وأغرق فيه
وأكون نجماية في سماكى



د. أماني إبراهيم

سألتني قلبك المشتاق
هأنلتقي ولا فراق
حَضَنَ قلبي شجن قلبه
وهربت عيني في عيونه
يصرخ ليلى في سكونه
كلامى تاه بجنونه
قلبي دق يا رب صونه
م-الهوى وظلمه وظنونه
كتب اسمه على بسمه
بعتهالى بجفونه
رَسَملى مركبة راسيه
على شطى بهوممه
رسمت الشوق على ضيه
قطفت الحب هديتهوله

ساكن في قلبك من زمان
وعيونى سَكَنِكَ مطرَحِك
يا نبض شوق حاضن حنان
أتمنى حبى يفرحك
وأخاف عليكى من الهوان
وأموت بهمسهُ تجرحك

د. أماني إبراهيم

أغيب وألقى الحب بعيونك
أقرب وألقى القلب مجنونك
وإما تغيب تلقى الروح بتصونك
وإما تقرب تلقى الحزن لهمومك
يطرح فرح وبسمه يومك

لسة خمسة
هي خمسة
جَمَعْتُ كُلَّ الحروفِ
رَجَعْتُ كل الأمانى
فِرَحْتُ دمع العيون
رَجَعْتُلى حلمى تانى
خمسـة يحلى العمر بيها
م-الدقائق تبقى خمسة
الفؤاد عايش عليها
يرتوى بالحب خمسة
تحضن الاشواق عيونك
واكتفى مِنْكَ بلمسة

لمسة أعيش الجنة بيها
بيكى حاسس وإنّتى حاسة
ولمّا يجرى الوقت يخلص
قلبي ينطق لسة خمسة

د. أمانى إبراهيم

خمسة
لسة خمسة
كل خمسة
تجر خمسة
همسة منك
ومنى همسة
لحظة عندي
ولحظة لسه
وروحى تسبح
منى خلصة
تروح لعندك
برضو خمسة
إوعى تمشى
أوام يا خمسة



إنت عارف
كل لحظة
باقى جنبك
يبقى فيها
قلبي عايش
بالسعادة كل مرة
أعيش معاكى
عمر تانى فرح تانى
أبقى مش عايز-
يعدى الوقت أبداً
لا الساعات

لا الثواني
قلبي عشقك قلبي حبك
إتكتبلى في حُبك إنت
عمر تانى فرح تانى

د. أماني إبراهيم

إنت عارف

لو رسمت الشمس تشرق

جوه قلبي دي عيونك

لو كتبت الحرف يبرق

جوه سطرى ده شجوتك

لو سمعت النبض يخفق

جوه روى دا حنينك

إنت عارف

حلم عمرى هو إنت

ضى قمرى هو إنت

نور عيونى كله إنت

وبكتب إسمك المرسوم
في شراييني
وتتمايل على عزفه
دموع عيني
من الفرحة التي مرسومة
على خدوده
من النور التي يتبسم
على جبينى

د. أمانى إبراهيم

ولمّا قلبى يدق أكتب
إسمك في شرايينى
وأكتب على لوح الزمن
دا إنت نور عينى
نسجت بخيوط العشق
رسمك زينت به جبينى
طبع الهوى عشقك
بالنور على سنينى

أنا قاعد في قلب عينيك
ولو نامت عيوني مَأنام
أنا سهران في أحلامي
وعايش قلبي في الأنغام
نغم حُبك نغم قربك
نغم خلاني أعيش في سلام
أنا نايم في حضن عينيك

أنا نعسان
وأترجى البشر تبعد
يسيئونى في عيونك أنام



د. أماني إبراهيم

أنا ساكنة جوة عينيك
و لو نامت عيوني ما أنام
و يضحك القمر بضياه
و بخيوطه نسج أحلام
و سهرانه أناجي نجوم
و أحلفها بهوى الأيام
و ترسم حرفه بسماها
و تعزف أجمل الأنغام
أفرشك رموش العين
و في الننى تعالى و نام
حقيقة فقلبي كان حبك
و عمره ما كان فى يوم أو هام



يا مُنيةَ العاشقين
في الدنيا ساعة صفا
للى إتوجع يا عين
من الفراق والجفا
خلى القلوب مساكين
تترجى بسمة ودفا
وحبيبي كتب القدر
من عمرى راح وإختفى
صبّيت دموعى مطر
في الهم قلبى إنكفى
والفرح مات وياه
من غير سابق معرفة
أكتم دموع قلبى
في عمر ضيه إنطفى

د. أماني إبراهيم

يا مُنيةَ العاشقين
في الدنيا ساعة صفا
ظلم الحبيب يا عين
خلى فؤادى إنطفئ
هجرت روحك لفين
سكة فراقه جفا
ظلم الحبيب يا عين
القلب منه إكتفى
وراح في غمضة عين
والفرح تاه وإختفى
يومي في بعده سنين
وقلبي صان الوفا



أسافر فين وأحزاني
في كل مكان محوطاني
ودمع العين بيتكلم
همومي في قلبي ساكناني
وأهرب فين و أهجرها
ونفسي ألاقيها هاجراني
أساير نفسي وأتبسم
وأعيد القصة من تاني
دموعي بضحكة أداريها
وعين الخلق كاشفاني
جروحي الحب يداويها
والأقى حُبي بيعاني
من الأشواق من الحسرة
من الفرقة اللي قاتلاني

د. أماني إبراهيم

ليه القمر حزين
ونجومه سهرانين
والدموع مستنين
ع-الخدود ليه حيرانين
وتكوى مهجتي وتروى
الورود الدبلانين
كتب القدر سطرين
حُب وشجن وأنين
وغيامة بالسما طاله
مطرها دموع وحنين
وشمس الهوى هالة
ضياها يسر العين
وضى القمر نور
ليل قلبه الحزين

محمد رجب

في العمر فاضل كام سنة
وكام ضحكة وكام دمعة
وكام ليلة فارقتها النور
وكام نجمة وكام شمعة
كتابى بالقلم مسطور
وفاتح للهموم جَامعة
أزين ضحكى بالزور
وشمسي في السما لامعة
لكن ليه ضيها محجور

ونار الحزن ليه والعة
وليه دايمًا عليًا تجور
ولا دارى ولا بوعى

د. أمانى إبراهيم

حبيبي سلامتک
روحي تهونک
وقلبي راهنک
دقاته لعمرک
والصعب يلینک
وربی قاسمک
روحي تکنونک
تبسم حبيبي
حياتي دی ملک

محمد رجب

مصلوب على جزع القدر قلبى
والجزع باكى من الألم بيئن
تستطعف الأتات أسى دربى
والدرب جاحد والبعاد بيجن



د. أمانى إبراهيم

بأيدي أرسم عيدك
وأكسر قيود جيدك
ويومى يبقى وليدك
حزنك ودمعك عبيدك
دربك ينور بإيدك
ويبقى ألمك طريقك
حبيبى دمي فى وريدك
دأ روحى وقلبي تنهيدك

وأنهار لو لقيت دمة
بتنزل واللسان ساكن
وأنهار من الهموم تصحى
تصحّيها هموم ماتت
وأفضل بالأمل مصلوب
والأقى دنيتى فاتت

د. أمانى إبراهيم

وبنهار لما الجرح يتكلم
وعيونہ في الليل تتألم
ولمّا الدمع بيعلم
في قلوبنا ميت علامة
ولامرة بنتألم
ووجعنا يرسم خطاويننا
وعلينا الحزن يسلم

محمد رجب

الدمع يملئ العين
حتى ولو فرحان
والقلب دمعته سكوت
أفكره أنا نعسان
والنوم يجافى العين
م-القسوة والحرمان
طبطب على إلى إنكسر
وإوعي تكون ندمان
وإلى فيؤا خلانى ليه عدمان
عائش بقلب إنعدم
تايه مالوش عنوان



د. أمانى إبراهيم

بأيدي أمسح دمعتك
وبروحي أرسم ضحكك
ومُنَايا أعيش فـجنتك
وأفرش ورودي لِسكتك
تبقى حياتي دنيتك
ضحكة بترسم فرحتك
أداوى جرح مهجتك
وقلبي يبقى قبيلتك
وخلص الدنيا صالحتك

عابر سبيل
والقلب مش ناقص وجع
يا سِكتَى المفروشة ليل من غير قمر
أحلامي نائمة بتحتضر
والشمس طالعة معتمة
فاقدة البصر
وأنا إسمى مكتوب في الخريف
ورقة شجر

د. أمانى إبراهيم

عابر سبيل
و القلب مش ناقص وجع
مفروشة بالشوك سِكتى
أخطى كاتم صرختى
من غير ندم ولا ألم
أعدى سايب دِنيّتى
حتى الطيور غنت بُكا
بعد ما سمعت قصتى

محمد رجب

الدموع من قلبي نزلت
تبكي نار البعد عنك
تبكي حيرتي ويا سُهدي
دمعي بين كل قهري
البُكا نشف دموعي
إشتكيت من ظلم دهرى
ودعتنى الضحكة تانى
جَفَفْتُ كل الأمانى
ماتت البسمة في ملامحي
وإتولد ضعفى وهوانى

مش راح أزعل لو هتقسی
بس أموت لو ضعتی تانی

د. أماني إبراهيم

وزعلان يا عمرى أرضيك
ولهان بعشقى أشجيك
وبروحى وقلبى أفديك
وبعمرى يا عمرى أهديك
وبنبض الروح أحبيك
تشكىنى وتكتب غناويك
حيرانة بليلى أناجيك
ونجومى مرسومة بإيديك
عطشانة والمروى عينيك

محمد رجب

لَمَّا تَبَقَى صُورَتِي مِنْكَ

تَبَقَى نَفْسِي حَتَّى مِنْكَ

لَمَّا أَغِيبَ عَنْكَ ثَوَانِي

يَنْشَغِلُ قَلْبِي وَظَنُّكَ

إِذْكَرْنِي

لَمَّا تَلَقَى إِنْ الْحَيَاةَ

مَفِيهَاش حَيَاةَ

لَمَّا تَلَقَى إِنْ الْقَمَرُ فَارَقَ سَمَاهُ

لَمَّا تَلَقَى إِنْ الْقَمَرُ مِنْ غَيْرِ ضِيَاةَ

إِذْكَرْنِي

د. أماني إبراهيم

لَمَّا تَبَقَى صُورَتِي نَنْكَ
تَبَقَى رُوحِي حَتَّى مِنْكَ
تَبَقَى نَجْمِي .. أَبْقَى ضِيكَ
تَبَقَى شَمْسِي .. أَبْقَى فَجْرَكَ
تَبَقَى نَبْضِي .. أَبْقَى قَلْبَكَ
تَبَقَى صَوْتِي .. أَبْقَى لَحْنَكَ
إِفْتَكِرْنِي

لَمَّا تَلَقَى إِنْ الْكَلَامِ
يَصْبِحُ عَدَمِ
لَمَّا تَلَقَى إِنْ الشِّفَاهِ
تَصْرُخُ أَلَمِ
لَمَّا تَلَقَى إِنْ الدَّمُوعِ
تَصْبِحُ نَدَمِ
إِفْتَكِرْنِي

محمد رجب

ادتنى شمعاية
قلتلهـا دا ضيك
رديت بورداية
قالت لى دا نبضك
قلتلهـا بالتاكيد
مش نبضى دا نبضك
مش دمنـا واحد
مش حسنـا واحد
حتى الفرـح صمم
فى قلوبنا يتواعد
همس الهوى همسك



وحلف ما يتباعد
والليل يسألنا
على حبنا شاهد
يا ليل متبعدشى
قاللى انا قاعد
قمر ك طرف رمشى
قال ضيه مش جاحد
وانت كمان عاشق
عالسهد متواعد



د امانی ابراهیم

علی خده دمعایه
من حبه نزلتلی
د نورها ضحکایه
فی القلب کتبتلی
حدوته وروایه
حروفها غنتلی
فی قلبه نبضایه
من قلبی قا لتلی
هواکوا د احکایه
وعیونه شهدتلی

وسهامه بسمایه
بالرمش صابتنی
ورده ونسمایه
وقلت یاریتنی
كنت انا بدایه



محمد رجب

القلب ضعيف وأنا ساكن فيه
و معاه أفراحي وأحزاني
ويقولني بلاش تتعب وتدوب
مش هاعشق غيرك من تاني
أنا دايب دوب ويا المحبوب
ومعاه أفراح تستناني
أنا راضى خلاص وبحبه يا ناس
لا شكيت من الحب ولا هاعاني

د. أماني إبراهيم

قلبي بيهواه والروح عشقه
والعين ساكناه وساكني ضياه
وأعيش أيامي أحلم بلقاءه
وأكون له حياة وأكون له مناه
وسمر ليله وقمر في سماه
دعيت انا ربي أعيش بهواه
وأحلامي تكون له أمل وحياه



هتھرب فین
وصورتک جوّ نِن العین
وقلّبی داب فی إحساسک
ووردی جوّ بستانک
وشوقی لیکى أفراک وأحزانک
أعیش وأهرب وأقول توبه
لکن قلّبی وإحساسی
ما عمره یتوب

د. أمانى إبراهيم

وأهرب من عيون عشقانى

وقلبنى دق من تانى

وروحه الحلوة ساكنانى

وأتوب من حبه وأعانى

وأرجع للهوى تانى

لسكة عشق واخذانى

وبدموعى رسمت الشوق

كتبت عيونه عنوانى

رسمت صورتى ولامحى

على قلبه اللى يهوانى



محمد رجب

أرق همسة أحلى همسة
هي همسة حب جاية
جايبة لنا عام جديد
عام معاه كل الأمانى
ضحكة طلة وعمر تانى
عمر باسم عمر حالم
دَا إالى بتمناه لحبايبي
فرحة تحضنهم تواسى
إيد تطبطب على القلوب
لمسة بالحب في حياتنا
بيها قلبى يطيب يدوب
فجر نور حب بيكم
والعيون مشتاقة ليكم
والسهاد اصبح ليلاتى
قلبنى داب نبضة في إيديكم



د. أماني إبراهيم

ارق همسة احلى همسة
بهمسة حب تناجيني
وبشوق قلبك تهديني
وبسمة روح في عز النوح
بترويني وتشفيني
ونبض القلب أنغامه
في أحزاني تواسيني
دموع السهد نار البعد
بتهمسله يلاغيني
بكلمة حب بلحظة ود
وبنظرة يداويني
يا أيام الجفا مرى
يا دنيا يلاً صالحيني



محمد رجب

دق الفؤاد ليه من جديد
ساعت ما شوفتك
ليه بقت الدنيا عيد
صوت البلابل والطيور
وبسمتك غنت نشيد
أحلى النجوم أنا شوفتها
وعيني في عينيك
والقلب فجأة ملقتوش
لاقيته فرحان بين إيديك
حتى اللي فات من عمري
أصبح بيناديك

كان قلبي تايه في المحيط
غرقان وحظه إنه يلاقيك
الماضى ليك وبكرة ليك
لو غبت عنى حتى لحظة
قلبي بيدور عليك



د. أمانى إبراهيم

دق الفؤاد ليه من جديد
بنظرة عين قلبى شهيد
ولقيت عيونى فى حضن عنيك
ودمعى سال فرحان سعيد
جوه بستان الأمل شفتك وحيد
تترجى اللقاء فى زمن عنيد
هزرع بالهوى فدان
يطرح حب وزهر العيد
وأقطف زهر الحب بإيد

وأشقى فجرىك من جديد

نوره يشقى من بعيد



وقولت إن الهوى قدرى

مصدقونيش

لامونى عشان أتوب وأرجع

مرجعونيش

أنا حبيته و عشقته متعبونيش

أشوف الدنيا بعيونه

ومن غيره أنا مساویش

د. أمانى إبراهيم

حروفي لو تناجيها
تلاقيها بتندهلك
وسكاتي أغاني حُب
بتكتبها دموعي لك
بنادي يا عذاباتي
تهوني له أنا عُمرَك



وتعرف يعنى إيه همسك ينادينى
وتعرف يعنى إيه صوتك
في عز النوم يصحبنى
ولما تغيب بتوحشنى
وألقى النوم يجافينى
يغيب الضى في ملامحى
و تنثرنى دموع عينى
ومهما أشرب أكون عطشان
لنبيع حنان يواسينى
مهو إنت لدنيتى الجنة
وقربك كان منى عينى
أمانى في عمرى بستناه
تموتنى وتحينى

وفجر لبكرة تترجاه
نهاره فرح يرضيني
وفاض شوقي وأنا بهواه
وقربه يومى وسنينى



د. أمانى إبراهيم

تعرف يعنى إيه همسك ينادينى
تعرف يعنى إيه طيفك يناجينى
بغوة حب بدقات قلب تشجينى
فى أحلامى يهادينى
ببسمه ود يراضينى
بكلمة عشق بهمسة حب يروينى
برمش عيونه يداوينى
وبجفونه يدفينى
ملاك م- الجنة ساكنى
عشقه يا رب نجينى

محمد رجب

ياللى إنت مش دارى
بنارى وأنا مشغول
أسرح في طيفك وعلى إسمك
أنادى وأقول
الأسم بيغنى وصوتك
جوَ قلبى دفوف
ولقتنى متهنى وقلبى
نوره بحروف
بالرقة معروفة ونجمك
في السما بيطوف
بستان وعطر الهوا بإنفاسه
وعيونى فرشئه والرموش حُراسه
يا قلبى ماشى بالحنان يتكلم
ونبض قلبك منه قلبى إتعلم
وقلبى علمته السهر من يومك
وليلى سهرته بضى نجومك



د. أمانى إبراهيم

حبيبى

شمس نورها يطل
دفاها كاسى الكل
قلبه أبيض زى الفل
هلال العيد علينا يهل
ولما الظلم علىّ يغل
وقيودى تجرحنى وأمل
ببسمة عين الحزن يفل
وبسمة قلب الجرح يقل
وفى حضن الروح الفرح يحل



صورتی یا بختها بیکی
اشوف بسمتها فی عینیکی
جفونک تحمی أحلامک
وهمس سکوتی وکلامی
برمش عینیکی رسمانی
فی بحر هواکی واخذانی
بروحی وقلبی أفدیکی
یاجنة قلبی أعیش فیکی



د. أمانى إبراهيم

في حُضن عيونى تعالَ ونام
أُبعث برموشى حكاوى غرام
تغرق فى حُبى وأغرق حنان
حبيبى أصله ملاك هُمام
بيجى بدرى يزرع هيام
يطرح ورودى بعطر السلام
وأحلم فى يوم من الأيام
أضمك بقلبى وأنوى الصيام

ويهرب قلبي لعينيكي
وأدوب وأعشق خطاويكي
تنادينى حروف قلبك
ألاقي قلبي يناديكي
نعيد العمر من تانى
ألاقي العشق فى عينيكي
أدوب وأعشق بياض قلبك
وقلبي هو واديكي

د. أمانى إبراهيم

ويهرب قلبى لعينيك
وأتمنى أكون انا لك
بسمه قلب ترسم حب
جوه القلب لثوانى
وكلمة حب تشفى الجرح
تقول دأ هي عشقانى
وموجة بحر فيها السحر
تغرق فيا ب كيانى
وروح سكناك معاها تعيش
بكل حياه عالم تانى
ونظرة عين تقول للعين
داسهمه صابنى و رمانى

صباحك حب بيقاوم
حنين جارف
بيخنق كل شيء نابض
يفكر إنه راح ينسى
وراح يقسى
وجوه الصمت انا سامع
انين حبه باعلى الصوت
لكن زهر الأمل عايش
فى وسط الشوك ومش هيموت
ومش هيموت..ومش هيموت

د. أمانى إبراهيم

أنا جيت الدنيا عشانك
أشرب من نهر حنانك
شمسى بتشرق قدامك
دَا نورها هوّ غرامك
ومُنْيا أعيش أيامك
وادوب فى بحر هيامك

محمد رجب

إذا كان الوطن قلبك
أكون بستان
إذا كان الوطن عينيك
ما بين عينيك وبين جفنك
أنا نعسان
إذا كان الوطن حسك
فأنا ساكن في وادي حنان



د. أماني إبراهيم

إذا كان الوطن همسك

أكون أحيان

إذا كان الوطن عينك

أكون هيمن

إذا كان الوطن قلبك

أكون بأمان

إذا كان الوطن روحك

أكون عشقان

محمد رجب

ويتمسى القمر بضياك
يهيم قلبى بهواه في سماك
وأغيب عنك و ألف الكون
لكن قلبى وروحي معاك
وتضحكى النجوم ضحكة
بتحسدنى وأنا وياك
ويحضن ليلى أشواقى
ويطلع فجرى يستناك
وتشرق شمسى من عينك
تنور دنيتى محلاك
وموج الليل بيتمايل



بيحلف إنه يجرى وراك
ولا بايدي إني أنا عشقتك
ولا بخاطري لقتني أهواك
أنا نفسي بقت نفسك
وقلبي وروحي تتمناك

د. أمانى إبراهيم

حبيبي بيوحشني كلامك
همسك حُبك وغرامك
ونهارى حبيته عشانك
وفى ليلي عايش أحلامك
وسمعت الطير بيغنى
أتاريه بينقلى ملامك
لا حروف ولا كلمة سامعها
وكلامى وقف قدامك
ضاع الحرف وتاه بلسانى



ما أقدر أقسى على أيامك
وأنا صاحبه الليل أناجيك
دايية ومشتاقه إليك
غمضت عيوني أناديك
وجوه نفسي فين ألاقيك
لقيت قلبي حاييم حواليك
ساكن روحك ملك إيديك
ونجوم السما واقفة تناديك
ماأنا وياها بنموت فيك
وشمس الحب بتسجد ليك

أصل دفاها نبعه عينيك
ما إنت ملاكى
والجنة على كف إيديك



وكنـت أـتمنى أكون لـيـكـى
فـرح وحنـين
وأكون ورد وعبير فواح
يعطر عمر باكى حزين
وأكون لـيـكـى نـغم حـالم
يغنى غنوة العاشقين
وأكون لـيـكـى قمر لـيـلك
ينور لـيـلك المسكين
أكون بـسمة أكون نـسمة
في صيف قاسى تسر العين

د. أماني إبراهيم

وكنت أتمنى أكون ليك
نبض عايش جَوْ قلبك
صورة تسكن نن عينك
كلمة مرسومة في عقلك
بسمة تجرى بين شفائك
إيد تنام في حضن كَفّك
نسمة حلوة تعدى جنبك
شمس أدفى برد عمرك
روح وحاسه بكل نبضك



قلبي أنا مشتاق لمين
مشتاق لبسمة ضحكك
تفرد قلوها على السنين
والعين يا عيني عشقتك
والعشق مكتوب على الجبين
إسأل ورودك والسهر
إسأل ضنايا والحنين
أخذت عمري ودنيتي
وكننت لي عشق السنين

د. أمانى إبراهيم

حبيبي غرامه دا يتحب

شوقى لقربه فاق الحد

وعيوننه نهر يصب

حنان ودفا بيشد

همسه أغانى وحب

كلامه شوق و وجد

تدوّب روحى بصّب

هيام وسعد وشهد

أغرق فيهم وأغب



يا رب بلاش البعد
حبیبی غرامه یتحب



ومتلحقنيش
وماتبعنيش عن نين القلب
متبعنيش
خليني أهيم في جمال قلبك
و متحرمنيش
مديت لك إيد القلب نجاه
ومتكسفيني
وعنيا غرام وسكوت وكلام
عمرى مخبيش
مستنيك جو الحلم حياه
إياك متجيش
أو تيجي يكون العمر خلاص
ومتلحقنيش

د. أمانى إبراهيم

يا قلب جوّه القلب
مرسوم ببسمتك
يا روح جوّه الروح
تسعدنى طلتك
يا حلم جوّه الحلم
عِشَّتْنى جنتك
يا نفس مالكة النفس
تروينى ضحكك
يا ضى جوّ العين
تحينى نظرتك
يا بحر من الهوى هايم
بغرق فى محبتك
قلب وروح.. بكا وجروح
دواها رؤيتك

وكان الحرف إتشد ملامحه من قلبنا
وكان الكون بيلون فرح العالم من فرحنا
وكان عيونك حاضنة عيوني
ودنيانا بتمسح دمعنا
وكان السما بتمطر ورد
زرع جنائنه بتضمننا
وكان الحب نسايم صيف
بتططب على عمرنا
وكان أمانى الحلم الضائع رجعت لنا

بتنادى قلوب كل العاشقين وتشاور على حبنا
نستنا الهم وكل مرار الماضى وضكت لنا
حالف لأعيشك حلم وحب
وماضى وحاضر فرحان لنا
هات إيدى في إيديك يلانطير فوق الأحلام
فوق الأوهام في العش إالى يضمنا
مش هحزن تانى وأقول يا زمانى
يكفينى أعيش الحب شعور
وعبير يتنسم صيف حرّنا

د. أماني إبراهيم

وكان الحرف إتشد
ملامحه من حبنا
وكان الشمس بتشرق تاني من قلبنا
وكان الأرض إخضرت بعد
صلاه مروية بسيل دمعنا
وكان الزهر طرّح في
رُباه ولونّ عمرنا
وكان البدر رسم في سماه بالنور إسمنا
وعيون الليل سهرانه رموشها بتضمننا
تحلف بنجوم السما أبداً
متفرق يوم شملنا
مديت إيدك لإيديا
غرقانه عينيك ف-عنيا

وفى بحر الهوى طُفنا والمرسى بقى حلمنا
نزرع حُبنا نقلع حزننا
نكتب عشقتنا على الأرض إلى تضمننا
حته من الجنة نعيش ننتهني يا فرح تعالى لِمنا

تم بحمد الله

ورقة شجر

مساجلة شعرية

بين الشعراء

محمد رجب

د. أماني إبراهيم